



Xavier Pascual Santistevé, secretari accidentau deth Conselh Generau d'Aran,

CERTIFIQUI:

Qu'eth Conselh de Govèrn, en session ordinària de 21 de hereuèr de 2023, adoptèt, entre d'auti, er acòrd següent e que transcrit literaument ditz:

“3au.- APROBACION, SE PROCEDÍS, DETH PLEC DE CLAUSULES ADMINISTRATIVES PARTICULARES, DER EXPEDIENT DE CONTRACTACION E DERA LICITACION DETH FORNIMENT DE MAQUINÀRIA PRÒPRIA ENTATH MANTENIMENT DE CAMINS DER HILAT VESIAU E RURAU E DE SENDERS DETH CONSELH GENERAU D'ARAN MEJANÇANT PROCEDIMENT DUBÈRT DAMB TRAMITACION ORDINÀRIA [ADMINISTRACION GENERAU DE MEDI AMBIENT].- (Exp. num. 1262-0001/2023)

Vista era prepausa deth forniment deth Conselhèr de Territòri, Pisatge e Gestion Ambientau deth Conselh Generau d'Aran, ena quau se da compde deth besonh de realizar eth contracte deth forniment de “*maquinària pròpria entath manteniment de camins*” pes motius que seguissen:

- Eth Conselh Generau d'Aran en vertut des convènis signadi damb toti es ajuntaments e EMD's d'Aran, gestione e manten er hilat de camins e pistes forestaus de tot eth territòri, damb ua despena annau superior ath milions d'euros.
- Entad aguest prètzhèt, eth Conselh Generau d'Aran compde damb un equip uman de 10 personas, oficiaus de primèra e peons, en tot dispausar d'ua flòta de veïculs qu'a data d'aué s'a de refortilhar e actualizar, auent quedat obsoleta.

Vist eth Decret de Sindicatura num. 0077/2023 de 16 de hereuèr, en quau se demane informe per part dera Secretaria Generau e dera Intervencion de Hons e eth certificat d'existència de crèdit.

Vist er informe favorable de Secretaria.

Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar.

Visti eth Plec de clausules administratives particulars redactat.

Cossent damb eth certificat favorable d'existència de crèdit adequat e sufisent dera Intervencion de Hons, eth finançament deth servici a contractar ei previst ena aplicacion pressupostària num. 2023/01.454.623.20 deth pressupòst generau vigent entar exercici 2023 e qu'aguesta licitacion veng finançada integrament per Departament de Territòri dera Generalitat de Catalunya (Resolucion VPD032/22/000001).

Cossent damb çò que dispausen es articles 16, 25, 28, 116, 117, 118.1, 122, 156 e Disposicion addicionau tresau.2 dera Lei 9/2017, de 8 de noveme, de Contractes deth Sector Public, se prepausa ath Conselh de Govern aprovar eth Plec de clausules administratives particulars, er expedient de contractacion atau coma era licitacion deth forniment, en tot tier en compde qu'era adopcion d'aguest acòrd ei competència deth





Conselh de Govèrn, en vertut des delegacions efectuades peth Sindic d'Aran, mejançant Decret de Sindicatura num. 244/2019, de 21 de junh [BOP de Lleida num. 144, de 26 de junhsèga de 2019 e DOGC num. 7926, de 26 de junhsèga de 2019].

Un còp sosmetuda era prepausa a votacion e debat, eth Conselh de Govèrn *acòrde per unanimitat* des quate (4) membres presents deth totau de quate que formen aquest organ collegiat:

Prumèr.- Aprovar iniciaument eth Plec de clausules administratives particulars qu'a de regir era contractacion deth forniment de "*maquinària pròpria entath manteniment de camins*", plec que s'adjunh coma annèxe en expedient e que demorarà a disposicion des persones fisiques e/o juridiques interessades, atau coma era despena corresponenta ad aguesta contractacion per un pressupòst totau de dus cents mil euros (200.000,00 €) IVA includit, damb eth desglossament següent:

- Cent seishanta cinc mil dus cents ueitanta nau euros samb vint-e-sies centims (165.289,26 €) en concèpte de valor estimat o pressupòst net e,
- Trenta quate mil sèt cents dètz euros damb setanta quate centims (34.710,74 €), en concèpte d'IVA ath 21%

Dusau.- Aprovar er expedient entara contractacion deth forniment de "*maquinària pròpria entath manteniment de camins*", mejançant procediment dubèrt, damb tramitacion ordinària, cossent damb çò previst enes art. 28, 116, 117 e Disposicion addicionau tresau dera LCSP.

Tresau.- Dispausar era dubertura deth procediment dubèrt de contractacion, en tot procedir ara publicacion der anonci de licitacion en perfil deth contractant en tot daurir en aquest moment eth tèrme de quinze (15) dies naturaus entara presentacion d'aufèrtes, cossent damb çò que dispausa er article 156 LCSP.

Quatau.- Facultar era Sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors."

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte ar efècte oportun, signi aquest certificat d'orde e damb vistepatz dera Sindica.

Vielha, *signat electronicament*

Vistepatz
Era Sindica

Maria Vergés Pérez